

國旗下的講話
中國農民豐收節

2025 年 9 月 22 日

二人： 校長、各位老師、各位同學，早晨！

何： 我係修讀經濟科嘅何雍晴。

經： 我係經雪瑩。

何： 今秋九月，五穀豐登！我哋今日嘅短講主題係「中國農民豐收節」。
「中國農民豐收節」係由國家主席習近平同志親自倡導並推動，由 2018 年 6 月正式設立。
自此，國務院將每年嘅秋分定為「中國農民豐收節」，目的係慶祝豐收、享受豐收。

經： 中國自古以來便有慶祝五穀豐登、祈願國泰民安嘅傳統。「中國農民豐收節」期間，各地都會舉辦一系列具有地方特色、民族特色嘅農耕及民俗文化活動，例如農作體驗、舞龍舞獅等，既能傳承、弘揚中國農耕文化，亦展現國家嘅農民、農村、農業領域所取得嘅偉大成就。

何： 「中國農民豐收節」雖然唔係嘅香港法定假期，但我哋都非常關注祖國農業發展，本地亦仍然保留唔少嘅農業活動，可見政府同市民都非常支持本地務農同胞發展農業經濟。例如喺城市化嘅香港，今年興起嘅城市農耕活動，令我哋有機會親身體驗農耕嘅過程以及現代農業技術，從中了解農業發展嘅重要性，並感受糧食嘅來之不易。

經： 社會嘅進步同農業嘅發展，離唔開農民嘅辛勤勞動。即使喺科技發達嘅今日，農業生產仍然需要大量勞動力。香港糧食供應商高度依賴祖國，背後有著國家農民嘅汗水與科技人員嘅智慧。

何： 作為學生嘅我哋，應該珍惜食物，避免浪費。通過參加本地農耕活動、支持內地和本地農產品等唔同嘅方式，為可持續發展出一分力，時時感激農民個辛勤付出、感激致力於農業創新嘅科研人員。

二人：我哋今日嘅短講到此為止，多謝大家！